

Addiko Bank

SAOPŠTENJE ZA JAVNOST

Jednostavniji i sigurniji način plaćanja putem iPhone, Apple Watch, iPad i Mac uređaja

Addiko Bank omogućila plaćanje putem Apple Pay-a svojim klijentima



Sarajevo, 29.07.2025. Addiko Bank je od danas omogućila plaćanje putem Apple Pay-a korisnicima Addiko Mastercard kartica u Bosni i Hercegovini. Apple Pay je jednostavan, siguran i privatan način plaćanja u trgovini, aplikaciji i online.

Za plaćanje u trgovini, klijenti jednostavno trebaju da dva puta kliknu na bočnu tipku, izvrše autentifikaciju i drže svoj iPhone ili Apple Watch blizu platnog terminala kako bi izvršili beskontaktno plaćanje. Svaka kupovina putem Apple Paya je sigurna jer je autentifikovana prepoznavanjem lica (Face ID), skeniranjem otiska prsta (Touch ID) ili ukucavanjem lozinke uređaja. Apple Pay je moguće koristiti u prodavnicama prehrambenih proizvoda, apotekama, restoranima, kafićima, maloprodajnim objektima i na mnogim drugim mjestima na kojima je moguće beskontaktno plaćanje.

Usluga je dostupna na teritoriji cijele BiH, za klijente Addiko Bank d.d. Sarajevo i Addiko Bank a.d. Banja Luka, a predstavnici obje Addiko banke u BiH izrazili su zadovoljstvo što je novi sistem plaćanja dostupan i na bh. tržištu i što klijenti sada mogu uživati u korištenju ove vrste plaćanja.

„Zadovoljstvo nam je što smo jedna od banaka koja je prva na tržištu omogućila Apple Pay za naše klijente. Naša strategija temelji se na kontinuiranom razvoju digitalnih servisa s ciljem unapređenja korisničkog iskustva. Ova inovativna usluga plaćanja omogućit će našim klijentima još bolje iskustvo što nas posebno raduje. Apple Pay usluga je rezultat pažljivog osluškivanja potreba naših klijenata i naše posvećenosti razvoju modernih digitalnih rješenja“, istakao je Jasmin Spahić, Predsjednik Uprave Addiko Bank d.d. Sarajevo.

„Inovativnost i najnovija digitalna rješenja klijenti očekuju od Addiko banke. Stoga je posebno zadovoljstvo biti među prvim bankama na tržištu koje su omogućile Apple Pay uslugu. Uvođenjem Apple Pay usluge korisnicima IOS uređaja sada je omogućeno brže i praktičnije korisničko iskustvo, čime potvrđujemo našu posvećenost modernim, sigurnim i jednostavnim bankarskim rješenjima“, dodao je Slađan Stanić, Predsjednik Uprave Addiko Bank a.d. Banja Luka.

„Dolazak Apple Pay-a u Bosnu i Hercegovinu predstavlja važan iskorak ka digitalizaciji finansijskog sektora i svrstava BiH tržište među zemlje koje svojim građanima omogućavaju pristup savremenim i globalnim platnim rješenjima. Ova usluga korisnicima donosi veću slobodu i povjerenje - jer plaćanje postaje jednostavno, brzo i sigurno. U srži Apple Pay-a nalazi se tokenizacija - sofisticirani sigurnosni mehanizam koji štiti korisničke podatke tako što ih pretvara u digitalne tokene, pružajući visok nivo zaštite uz zadržavanje jednostavnosti korištenja. Addiko Bank je prepoznala značaj uvođenja ovog rješenja kao odgovor na očekivanja modernih korisnika i kao snažan podsticaj razvoju digitalnih plaćanja. Vjerujem da će Apple Pay dodatno ubrzati afirmaciju bezgotovinskog društva i ponuditi korisničko iskustvo koje odgovara tempu savremenog života“, izjavila je Jelena Sretenović, direktorica za tržišta Bosne i Hercegovine, Srbije, i Crne Gore u kompaniji Mastercard.

Klijenti također mogu koristiti Apple Pay na iPhone-u, iPad-u i Mac računarima kako bi brže i praktičnije kupovali putem aplikacija ili web-a bez potrebe za kreiranjem računa ili ponovljenim unosom kontaktnih podataka o kartici ili podataka o dostavi ili naplati.

Sigurnost i privatnost su u srži Apple Pay-a. Kada klijenti koriste digitalizovanu kreditnu ili debitnu karticu u Apple Pay-u, stvarni brojevi kartica se ne pohranjuju na uređaju, niti na Apple serverima. Umjesto toga, dodjeljuje se jedinstveni broj uređaja koji se šifrira i sigurno pohranjuje u Secure Element-u, certifikovanom čipu dizajniranom za sigurno pohranjivanje podataka o plaćanju na uređaju.

Apple Pay je jednostavno podesiti. Na iPhone-u, jednostavno otvorite aplikaciju Novčanik (Wallet), kliknite na opciju “+” i pratite korake za dodavanje kreditnih ili debitnih Addiko Mastercard kartica. Kada korisnik doda karticu na iPhone, Apple Watch, iPad i Mac-u, može odmah da počne da koristi Apple Pay na tom uređaju. Korisnici će nastaviti da koriste sve benefite i pogodnosti koje dolaze uz Addiko Mastercard kartice.

Za više informacija o usluzi Apple Pay posjetite: <https://www.addiko-fbih.ba/gradjani/apple-pay/>

Za više informacija o Addiko Bank sarajevo posjetite: [Addiko Bank Sarajevo](#)